

**Najib Tiba Di KLIA Untuk Dengar Taklimat Pesawat MH17**  
**Bername**  
**July 18, 2014**

SEPANG, 18 Julai (Bernama) -- Perdana Menteri Datuk Seri Najib Tun Razak tiba di Bangunan Pengurusan Penerbangan (FMB) Malaysia Airlines (MAS) di Lapangan Terbang Antarabangsa Kuala Lumpur (KLIA) di sini untuk mendapatkan perkembangan terkini insiden pesawat MH17 yang dilaporkan terhempas di Ukraine.

Beliau tiba di bangunan tersebut kira-kira 1.20 pagi untuk mendengar taklimat berhubung kejadian tersebut.

Menteri Luar Datuk Seri Anifah Aman dan Panglima ATM Tan Sri Zulkifeli Mohd Zin tiba beberapa minit kemudian untuk menyertai taklimat bersama Perdana Menteri.

Walaupun butiran berhubung insiden masih belum diperolehi namun Perdana Menteri dijangka akan mengadakan sidang media mengenainya selepas taklimat tersebut.

Untuk rekod, Menteri Pengangkutan Datuk Seri Liow Tiong Lai dan Ketua Pengarah Jabatan Penerbangan Awam (DCA) Datuk Azharuddin Abdul Rahman kini berada di Beijing berhubung urusan kehilangan pesawat MH370.

Pesawat MH370 dengan 239 penumpang dan anak kapal, hilang ketika dalam perjalanan dari Kuala Lumpur ke Beijing pada 8 Mac lepas dan dikhuatiri berakhir di selatan Lautan Hindi.

-- BERNAMA

Copyright © 2014 BERNAMA

Source: <http://www.bernama.com/bernama/v7/bm/newsindex.php?id=1054409>